

Tuesday, April 29, 2025

Time - 2:30pm - 2:35pm

AKASHVANI AIZAWL

REGIONAL NEWS BULLETIN

(MIDDAY)



HSLC RESULT

Mizoram Board of School Education-in High School Leaving Certificate (HSLC) exam result vawiina a tihchhuah ah exam zawng zawng zinga zaa 76.68 an pass.

HSLC result chhuakah khan nikum aiin zirlai pass an thahnem zawk a. Nikum khan zirlai HSLC Exam hmachhawn zingah zaa 73.37 an pass a ni.

HSLC exam result chhuakah hian pakhatna chu P.C Lalthakimi, KD High School, Saron Veng Aizawl a ni a, mark 500 ah 479 a hmu a, exam tittha zual top 10 ah mi 24 an lang a ni.

Kuminah hian exam beitu hi zirlai 18,946 niin zirlai 14527 in an pass-a, HSLC pass thar te hi Distinction-a pass mi 1,343, First Division-a pass mi 3763, Second Division-a pass mi 5785 leh Third Division-a pass 3636 an ni a, Pass zingah hian Second Division-a pass an tam ber a ni. HSLC pass thar te hi hmeichhia 7548 niin mipa 6819 an ni a. Kumin HSLC exam-ah hian zirlai 14367 in hlawhtlinna an chang zo lo a, compartmental chance pek zirlai 60 an awm bawk a ni.

Kumin HSLC exam ah hian Mipa aiin hmeichhia exam hmachhawn an tam zawk a pass zat pawh hmeichhia tam zawkin mipa aia hmeichhe pass mi 707 in an tam a ni. Deficit school in ti tha ber in za zela 92.62 percent pass an awm a, private candidate pass percentage hniam ber in 46.65 percent an pass a ni. Aizawl District ah pass percentage tam ber in za zela 86.09 percent an pass a, Lawngtlai district chu district mal ah pass percentage hniam ber niin za zela 56.19 percent pass an awm a ni.

MBSE Chairman Pu JH Zoremthanga chuan MBSE pisaah chanchinbumite a kawmna ah kumina compartment 60 awm te chu admission an tlai loh nan exam buatsaih thuai a nih tur thu a sawi a, Compartment exam bakah hian HSLC result complain hun ni 7 chhung hawn a ni dawn a ti a, kumin exam-ah zawhna har zawng tehnaa a zangkhai deuh, LOTS zawhna zaa 60 leh a bak zawng zaa 40 chu tlema har deuh Application leh HOTS atanga siam a nih thu a sawi a, zirnain hma a sawn zel nan HOTS zawhna chu telh tam deuh deuh tura ruahman a nih thu a sawi bawk.

Kumin Matric Exam-a pakhatna dinhmun hauhtu chuan PC Lalthakimi a sikul luhna KD High School zirtirtute kaihhruaina leh Pathian vang liau liaua pakhatna dinhmun chang thei a nih thu a sawi.



AGRICULTURE MINISTER

Agriculture Minister Pu P.C Vanlalruata’n Mizoram Liquor Prohibition Act 2025 hnuaiah Mizo rilrem zawngin wine siam chhuah leh zawrh kawngah sawrkarin hma an la dawn tih an sawi.

He thu hi vawiina National Symposium and Consultative Workshop on Production of Wine From Grapes and Fruits in Mizoram puala hun buatsaih a hmanpui na ah sawiin Minister chuan Mizoram thei chi hrang hrang hmanga wine siam chhuah kawngah hma an sawn hle a ti a, Mizoram Liquor Prohibition Act 2025 hnuaiah Mizote ril rem zawngin wine siam chhuah leh zawrh kawng ah sawrkarin hma an lak dawn a ti a, Mizoram ah grape, sapthei, lakhuihthei leh balhla te chu Mizoram boruak leh ram ah tha tak in a to thin tih sawiin tun aia sawngbawl dan tha zawk an ngaihtuah dawn tih a sawi bawk.

Vawiina hun hmanah hian wine siam lama mithiam ten wine siam dan bakah Mizorama thei chi hrang hrang thar chhuah hmanga wine siam chhuah dan an zir ho a, Wine siam na hmanrua leh wine hmanga tourist hip dan bakah hralhchhuah dan zir ho a ni bawk.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah thin a ni.

Zanin dar 6 leh a chanve-ah Chanchinthar hi puan leh a ni ang.



AIR B'GRADE ARTIST ALEX DIED

All India Radio B’ Grade Artist Alex Lalchhuankima chu tukin dar 3:15 khan a boral a, Kum 38 mi a ni.

Alex-a hi cancer nantnain tlak buakin, phai lamahte a in enkawl hnuah Aizawlah a in enkawl leh a, tukin khan a na tuar chhuak zo lovin chatuan ram a pan ta a ni. Vawiin chhun dar 1 ah a chenna Tanhril ah vui a ni ang.

Alex Lalchhuankima hi Kum 2015, June ni 11 ah All India Radio B’ Grade Artist a ni a, hla 22 a record a ni. Alex-a hian ungraded atangin hla record in All India Radio ah hian kum 2008 March ni 10 khan a hla hmasa ber a record a ni.

Chief Minister Pu Lalduhoma chuan Alex Lalchhuanawma thi chu an ui takzet tih sawiin a kalsan nupui fanau amah hmangaihtu zawng zawng a tawrhpuui thu a sawi a, Mizo Zaimi Inzawmkhawm chuan zai leh rimawi hmanga zoram mipui awi thin tu Alex-a chu an ui takzet tih an sawi bawk.



AIR B'GRADE ARTIST ALEX DIED

All India Radio B’ Grade Artist Alex Lalchhuankima chu tukin dar 3:15 khan a boral a, Kum 38 mi a ni.

Alex-a hi cancer nantnain tlak buakin, phai lamahte a in enkawl hnuah Aizawlah a in enkawl leh a, tukin khan a na tuar chhuak zo lovin chatuan ram a pan ta a ni. Vawiin chhun dar 1 ah a chenna Tanhril ah vui a ni ang.

Alex Lalchhuankima hi Kum 2015, June ni 11 ah All India Radio B’ Grade Artist a ni a, hla 22 a record a ni. Alex-a hian ungraded atangin hla record in All India Radio ah hian kum 2008 March ni 10 khan a hla hmasa ber a record a ni.

Chief Minister Pu Lalduhoma chuan Alex Lalchhuanawma thi chu an ui takzet tih sawiin a kalsan nupui fanau amah hmangaihtu zawng zawng a tawrhpuithu a sawi a, Mizo Zaimi Inzawmkhawm chuan zai leh rimawi hmanga zoram mipui awi thin tu Alex-a chu an ui takzet tih an sawi bawk.

